

UMWE MUKA KANUNU



Ngwasakwilila, ndumbu walunga. Ngwasakwilila, Ndumbu walunga Shakarian.

Kaha chimene chamwaza, masepa. Punduvane chamwaza kupwa hano mu Los Angeles cheka chimene chino, shimbu kanda kuliwana chachinene, kaha kuliwana echi chili nakwiza mumulungu ou uli nakwiza kuze ku Embassy Hotel. Nguli nakuvandamina kumona enu vosena kuze. Kaha etu tuli vosena tuli nakuvandamina kuliwana na Mwata Yesu, kumumona Ikiye kuze. Ikiye ashikile nge Ikiye mwaya nakupwako, “kwosena kuli vavali mokomoko vatatu vanalikungulwile hamwe,” Ikiye mwakaya nakupwa kuze.

² Kaha Ngunakunyuka ngana nge Ngwaliwanyine na Ikiye chimene chino nge omu Ngwejile nakushikumuka handalo hano muli ino zuvo yayinene, omwo vathu vosena na kuwahilila chachinene chosena, kuvandamina kukulya chachimene na kuhanjika. Kaha echi chinapu chamwaza kukunguluka hamwe na enu, na ava vali nakwivulila kuchisaji. Kuli vavavulu hano, vakiko... Ngwapwile nakuya nakushikumuka kufuma muzuvo ya helu nakushikumuka hamavu, kaha kuhanjika kuli vamwe vavandende. Kaha kumona kutonda chachivulu, maukalo amichima, kaha misongo yayivulu mimijimba yavo, kaha etu tuli hano jino kulombelela vakakuviza na kuyanda.

³ Kupwa kaha nge Nguli na helu lya tambo... Nguli nakutala hali uze kashinakaji walunga wautongwe jino. Ikiye ejile kuli yami, kaha ngwenyi, “Ndumbu walunga Branham, myaka kunyima okwo...” Ikiye ngwenyi ikiye apwile naukalo wa muchima shikaho ikiye... vakiko vashinganyekele ikiye mwaya nakufwa. Kaha ngwamulebelele, kaha likoji lya Kalunga lyamuhindwile. Kaha uno ali hano chimene chino, mummyaka pamo eyite yakusemuka, ali ankuwahilila. Shikaho echi chikiko chatulingisa etu kupwa nalutalililo lwaluha.

⁴ Kaha jino Nguli kaha nakulembelela vathu vali kuchisaji, navakiko nawa. Hanyima Yami yakufuma kuli chino kuliwana, Ngulinakuya ku Europe, kushikumuka namu Africa kaha kujinguluka, mukuliwana wana. Kaha echi chili nakuya mwaya chimweno, shikaho nachiya nakupwa kuliwana chachinene kuze, Ngunakunyuka. Kaha Ngwevwile ha myaka ize Mwata nanguhane yami kwiza cheka. Ou mujimbu waundende wakulikehesa, wakulikehesa ou Ikiye anguhanyine, Ngunahono kushinganyeka nge Ikiye mwawechela, kuze vene. Kusoloka nge kunahase kupwa mwono kumwe uze Ngunahase kukwata mulyoji lya Mujimbu wamwaza, lize Ikiye anguhanyine lyakutesa nacho vathu, mujila ya kuka

cha Ukalunga, kulombelela vakakuviza. Kaha Ngulivene nakwimana mulipwata kumilombela, enu vathu vosena hano na vaze, vali kuweluka likungumbuwa lya kuchisaji.

⁵ Kangweshi na lwola lwakumbata mutwe wachihande na kunangula, ou Nguli nakuvandamina hanyima ya miyutu yayindende hano mu—mu . . . muzuvo yino yayinene, oloze shina kuhanjika kaha kuli—kuli enu hatando yayindende, kupwa nakuvandaminaho. Kaha kuli vathu vali muno mulifuchi, Nguli nakuya nakupwa nakulomba hali vakiko kuze, hano vene, kaha enu hano nawa. Kaha Ngunapu vene wakuwahilila hakuliwana na masepa jami vosena vamwaza vaze kanda lyehi Nguliwane lyehi navo, shina kwiza kaha mukuliwana na vakiko chimene chino.

⁶ Etu tunapunga na lwola lwalunene mukuliwana muvihela vikwavo. Kangwavwula kulovoka chikumako cheka nawa, chinapu kaha nakupwa wakukashiwa. Etu tweji kwesekanga kaha kuhita mujila yakuzuma mukachi ka Jeffersonville, Indiana na Tucson, Arizona, kuze etu twatambuka kuze myaka yayindende hanyima, ha chimweno cha Mwata, uze atutumine kuze na . . . kuhona kutachikiza okwo Ngwapwile nakuya. Kaha enu vavavulu hano, kuze ku Clifton, Ngwahanjikile kuli enu chindende shimbu kanda Ngufumeko, kaha nakuliwana chaku Phoenix, cha chimweno chize chejile. Ngwamwene Vangelo vatanu navavali kupwa mulizavu.

⁷ Kaha Ngunatachikiza, kuli enu likungumbuwa lili kuchisaji, pamo vavavulu muli enu kamweshi vaka Full Gospel ko, kaha echi chinahase kupwa mangana akusweka chindende kuli enu. Awa, nawangulinga yami, oloze kuze kuli . . . Kala muthu nahase kulumbununa kalachuma, ove kawatela kwitavila echi chekako ha lufwelelo. Echi chinapu vyuma vize etu katweshi kuhasa kulumbununa, nge etu twatela kwitavila ha lufwelelo. Etu katweshi kuhasa kulumbununa Kalunga. Kakweshi muthu nahase kulumbununa Kalunga. Ikiye apwa wakulimanyina, kaha Ikiye apwa wamunene kaha waundume. Etu tuli kaha—etu natwitavila echi mwomwo etu tunatachikiza Ikiye ali kuze. Kaha jino ha lufwelelo, mukwitavila, Ikiye eji kuneha kwitavila etu cheka, mulujimiko lwa Shipilitu Wajila.

⁸ Echi, Nguli nakuya nakuhanjika kuli enu hali echi, mukatando kakandende hano, ha, Jila ya “Kalunga” jila, mokomoko, “chihela cha kulifukula.” Kaha chihela kaha chize nauhasa kulifukula kuli Ikiye, chihela kaha Ikiye mwaya nakukuwana ove, kuze kwatela kupwa . . . Kuli Liuka limwe, chihela chimwe, lwola lumwe, vathu umwe, muli vyosena vize Kalunga eji kuliwananga. Kaha Ngwafwelela nge Mwata eji kukisula Mujimbu kumichima yenu hano.

⁹ Jino, kwiza ku Tucson, chapwilenga chaungeji, vize vimweno kuhanjika kuli enu mu Lijina lya Mwata. Keshi

umwe wavoko nge omu Ngunahase kuvuluka, kuya nakuhula nawa kachi vakiko vanahase kwanuka kalalwola, nge Ikiye ahanjikile kalachuma oloze chuma muka chapwile Muchano. Echi lwola lwosena nachisoloka mujila Ikiye ahanjikile nge nachiya nakusoloka.

¹⁰ Kaha Ikiye atelanga, kutesekesa na Visoneka, kukindulwisa etu mumakumbi akumakumishilo, muchifwanyisa cha mulimo. Echi nachiya nakupwa hanyima ya lujimiko lwa Shipilitu, na kuhanjika mumalimi, na kuka cha Ukalunga, na vyangocho, evi vyuma kana. Lize litepa lya vaka Pendekosita lya mujimbu likiko tuli nakuhanjikaho lelo. Ou mulimo wa Kulishitu Lyavene alifwanyisa muli vathu Jenyi, na vyuma vyovimwe vize Ikiye alingile omwo Ikiye apwilenga hano hamavu; mu Mujimba Wenyi, ou Mwenga, ou napu chihanda cha Ikiye, kulinga chuma chochimwe, nge Lunga na Pwevo, mokomoko Mwangana na Mwangana wapwevo, shimbu kanda chilika cha Kulimbata.

¹¹ Ou mulungu, nge Mwata netavila, Ngwatondo kuhanjika vyuma vimwe hali chize, kulovoka mu mujimbu hano, kuze ku—ku Embassy Hotel, kaha kupwa na chinjililo mujila yimwe yami yakulikehesa ngweji kulingilanga. Luze—luze lwola na ola etu tuli nakuyoyelamo, kachi muthu mwahona kutachikiza jila yimwe yakuya, chuma chakulinga mokomoko mwakwalumukila, ove uli—ove kaweshi nakutambuka ha lufweleloko; ove unapu kaha ulinakuhuhwasana, uli nakujinuoka kaha. Kaha *kujinuoka* chinapu ku—ku “kulinga chuma chakuzeneka lisesa.” Shikaho kachi etu katweshi nalisesa liveneko lya kutachikiza Kalunga ahanjika ika kaha chika nachikaya nakusoloka muli ize ola, kaha natuya ngachilihi nakulihumangana na eyi ola? Kaha etu twatela kulihumangana nacho, kutachikiza, ha lufwelelo mu Lizu Lyenyi, vyuma vize vyatelanga kusoloka jino, kaha seteko ya mafuchi, seteko ya vathu, seteko ya liuka, na vyangocho.

¹² Etu twatela kutachikiza echi, kaha jino nomu mwakutambukila kumeso eyi. Kachi ove unahono kutachikiza chize, ove unapu kaha—kaha nge chize twapwilenga nakuvuluka, nge kutambuka cha kukimbujo; kutumbukilamo, kushinganyeka nachiya nakupwa hano, kushinganyeka *echi* na kushinganyeka *chize*, kaha “nachiya nakupwa?” Oloze Kalunga katonda etu kulinga ngachizeko. Ikiye natondo etu kutachikiza chuma muka Ikiye ahanjikile hali lino likumbi, kaha jino kuliwana na lufwelelo, mwomwo Ikiye ngwenyi nachiya nakupwa mujila kana. Kahajino etu—etu tunatachikiza nge ove unapu Muchano jino, mwomwo ove kaweshi na lizu lya muthu ko; enu mukwechi Lizu Lyenyi lya chuma etu twatela kulinga. Kaha etu tuli nakutalilila chize Tata wa Mwilu mwaya—mwaya nakutuhana echi kuli etu uno mulungu.

¹³ Jino, Ngukonekelenu nge Ngunavatula, hakuhanjika Ngwahanjikanga hatando yayindende kunyima okwo, ha kwiza ku Tucson. Kaha Ngwashinganyekele, yami lyavene, nge echi chapwile makumishilo a chiyoyelo chami. Ngwashinganyekele wauchi nahase kwimana uze muzuzu wa seteko kaha omu chasolokele muze muchimweno cha chimene, pamo teni koloko kwimbo, ize vanahase kuyoya hanyima ya chize. Mwomwoika, Nanguya nakwiza ku Tucson, kuliwahisa na mwanami walunga, pwevo lyami na—na vananakuya vavo kuli ikiye hanyima nge Ngunayi, mwomwo Ngwashinganyeka chapwile makumishilo ami. Kaha Ngwa, mu Phoenix na kuli kuliwana chachivulu shimbu kanda echi chisoloke, Ngwamilwekanga omu na chikasoloka.

¹⁴ Chamwaza, tukweji vavandende hanyima yachize, Ngwapwile ku Sabino Canyon chimene chimwe, kuze kwapwa kaha kukuto ya Tucson. Ngwapwile kuze nakulomba. Kaha shimbu Ngwapwile nakulomba, Ngwapwile na livoko lyami mupeho, kuhanjika, “Tata, Ngwalombo Ove nge Ove muya mujila ngukafweko, nguhane ngolo, ja ola eyi Nguli jino na kulihumangana nalwo. Kaha kachi milimo yami ili hano hamavu, kahajino Ngwatela kwiza kuli Ove. Kaha echi kacheshi nge Nguli na kulinyenga hachuma chimwe, oloze Ngunatachikiza nge Ove muya nakuzakamina chisaka chami. Kaha Nguli—Nguli kaha nakulomba ngolo hali ino ola.” Kaha chumachimwe nachivetele livoko lyami!

¹⁵ Jino, likungumbuwa muli chizaji, echi chinahase kupwa chaungeji nge Ngunahanjika, oloze unapu muchano. Kaha Kalunga napu Chambamilonga wami.

¹⁶ Ngwatalile mulivoko lyami, kaha mwapwile poko yauvela kuvali, yapwile na chipwiko kuchikundo chacho. Kaha chikundo chivene chakutunga na pezo, kaha yasolokele kupwa nge yaulu kujinguluka chikundo chacho. Kaha ize—ize poko ivene yasolokele kupwa nge yakuvwakuma nakutemwine ngachize, mamalelo, chumachimwe nge crome mokomoko chumachimwe chakuvwakuma mumusana.

¹⁷ Jino, chapwile pamo teni mokomoko leveni koloko ya chimene, helu lya pili. Enu munahase kushinganyeka omu muthu (chize Ngulinakwivwa nge Nguli muvishinganyeka vyami) kwivwa kwimana kuze na poko yauvela kuvali kufuma nakumwe pimbi, vathu vali kujimailosi na jimayilosi, kuyikwata mulivoko lyove. Ngwayivwile, kumbata nakuyihwingisa kulutwe nakuyima, kaha, yapwile vene poko yauvela kuvali.

¹⁸ Kaha Ngwatalile nakujinguluka. Ngwambile ngwami, “Chamwaza, jino, echi chinahase kusoloka ngachilihi? Hano Yami ngunemana hano, vene, hano, kaha naumwe pimbi ali hano jimayilosi na jimayilosi, kaha ngwafuminyinga kulihii?” Kaha Ngwambile ngwami, “Chamwaza, Ngwa—Ngwatela pamo

kupwa nge—nge Mwata nakungulweka nge luli lwola lwami lwamakumishilo.”

Kaha Lizu lyahanjikile kaha ngwenyi, “Eyi ikiko Poko yauvela kuvali ya Mwata.”

¹⁹ Kaha Ngwashinganyekele, “Chamwaza, eyi poko yauvela kuvali, kahajino echi chinapu...kupwa nge mwangana, kuyizachisa,” munatachikiza, omwo vakiko vapwilenga nakulinga mu England na vihela vyakuhandunuka. Ngwashinganyekele, “Chize chikiko, kuyizachisa.” Kaha Ngwashinganyekele, “Chamwaza, pamo Ngwatela kuhaka mavoko hali vathu, mokomoko...” Ngwapwile na vyosena... Vishinganyeka vyauthu vinahase kupwa vyakulyenyeka, munatachikiza. Munahono kutachikiza. Vishinganyeka vyetu vyapwa vyakukuminamo; Vyenyi kavyeshiko. Shikaho, kaha nge omu Ngwapwile, echi...Kahajino echi chasele livoko lyami kaha Ngwahonene kutachikiza okwo yayile, kaha yajimbanganyine. Mwomwoika, kachi muthu mwahona kwivwushisa chindende ha vyuma vya kushipilitu, enu—enu naupwa wakuzaluka. Enu munahase kwimana kuze, kushinganyeka omwo chasolokele.

²⁰ Kaha Ikiye ambile ngwenyi, “Chize chimweno kacheshi makumishilo alwola lwoveko. Echi chinapu cha mulimo wove. Ize Poko yauvela kuvali yinapu Lizu. Tuze Tutachikijilo Tutanu natuvali kwiza, mangana akuswamana...”

²¹ Kaha jino milungu ivali hanyima yachize, mokomoko tukweji vavali, numba ngocho, hanyima yachize, Ngwapwile kupili na lizavu lya masepa omwo chasolokele. Vangelo Vatanu navavali, kupwa kaha hatoma to nge omu munemana hano, kwiza nakusuluka kufuma Mwilu. Aze malolwa amujipili kungandumuka nakushikumuka hamavu kaha—kaha vathu vemanyine kuze kutambakana na kuya lika, munatachikiza, kaha lukungu kutuka kwosena. Kaha omwo chapwile, Ikiye ngwenyi, “Kinduluka kwimbo lyove. Jino nachiya nakupwa, kala Kangelo mwaya nakupwa umwe wa tutachikijilo twa Tutachikijilo Tutanu natuvali.”

²² Kulumbununa, uli hatepu. Kaha mukanda nauya nakupwa wamwaza chikuma, hakupwa jino kupwa muyachi wa hanjikiso. Nge omu munatachikiza, kuhanjika chami kacheshi chamwazako, kaha vathu kavevwako...Enu mwatela kupwa vathu vase vanguzanga kaha munatachikiza mwakungwivushishila hahanjikiso. Oloze vamwe vakakutanga mwakuhanjikila hali yami, kaha vali nakuhanjika vyosena ha—ha...Chamwaza, pamo Ngwambile lizu lyakuhenga haze. Ngunahono numba kutachikiza. Shikaho, Ngwevwile muthuumwe kuseha, shikaho Ngwashinganyeka nge “hanjikiso” kayeshi kanawako. Oloze nge uze ka Dutchman, umbatenu kaha omu ngwatwale keshi omu Ngunahanjikako, pamo.

23 Kaha chinapu kaha jino minyutu yitatu, Vanangulweke mangana kusoka echi kwala.

24 Jino, enu vathu vamwaza mulifuchi muli kuchizaji, kaha enu muli na kuviza nakutondeka hano mulikungumbuwa, munahase kuhaka mavoko enu hali umwe namukwavo jino shimbu etu tuli na lizu lya kulombelela vakakuviza. Jino, Yesu ambile ngwenyi, Kutuma chenyi chamakumishilo ku Liuka, “Evi vinjikizo navikavakavangiza vakiko vaze vakakufwelela.” “Vakiko,” vaze vafwelela! “Kachi nge navakanangika mavoko avo hali vakakuviza, navakayoya.”

25 Ove Tata wa Mwilu, etu tuli nge vana lelo, etu tuli na kwononoka chuma muka Ove wahanjikile. Etu twahake mavoko hali vakiko kaha hakutonda chakufuma kujitelefoni. Ove unavamono mulifuchi lyosena okwo, omu vanapu vakakutondeka, vali nakuyanda. Ove unamono hano nge vanatondeka, vali nakuyanda. Kaha etu tulinakukujika kuli Ove, Kalunga wamwaza, na lufwelelo mu Lizu Lyove nge Ove wahanjikile, “Evi vinjikizo navikavakavangizanga vaze vakakufwelela. Kachi nge navakanangika mavoko avo hali vakakuviza, navakayoya.” Tuhanecho echi, Mwata, mu Lijina lya Yesu Kulishitu. Amena. [Ha tepu hapimbi—Muka.]

[Ndumbu walunga Branham kukumisa kutangisa chakuchisanji.]



26 Ngwasakwila, Ndumbu walunga Shakarian. Echi chinapu vene lisesa lyakupwa kuno cheka kuchisanji, kuhanjika kuli masepa jetu muno mulifuchi muli chizaji, nge omu lili hano.

27 Kaha punduvene kutanduula echi kusanyika kufuma kuli enu, kwiza ku Embassy Hotel hamene na musana, nakumulombelela. Kaha keshi ngachize kahako, oloze kuneha vamwe kupwa vakashili kaha vaze vanaholoka. Kachi etu natupwa na kulomba hali vakakuviza, kaha etu tweji kumona Kalunga lwola lwosena kulinga vikomwesa vyavinene, oloze eyi yinapu jila yamuchivali. Chuma chivene vatela kuvalwila, kupwa vakuzala na Shipilitu ya Kalunga, mukiko Nguli nakuya nakuhanjika kuli enu mu katando kakandende hano, kaha vyuma vyosena omwo etu twatela kupwa wakuzala na Shipilitu ya Kalunga.

28 Kaha kuka cha Ukalunga kakavulu cheji kukokanga kuli vathu, na kuvaneha Kumeso a Kalunga. Omwo Kalunga eji kulinga chuma chimwe chize—chize vakiko vanatachikiza kupwa- . . . chamwaza, kacheshi kumwivwushisako. Etu katweshi kuhasa kusolola omu mwakuchilingilako. Kalunga eji kuchilinga mujila Yenye Ivene mwamunene. Kahajino echi chinapu kulukwisa nakulingisa vathu, kutachikiza nge kupwa Kumeso a Ngolo kumwe, echi chinahase kulinga chumachimwe chize chinahambakana kwivwushisa cha muthu, kaha echi

nachilingisa vakiko kutala ku Mwana mukoko wa Kalunga. Kaha lwola lwosena, kuka cha Ukalunga, Vanangulweke, kaha Ngwafwelela, amilyavene, nge pamo mukachi ka sikisite, pamo, na sevete peseti, mumulimo wa Mwata wetu, chapwile kuka cha Ukalunga. Kaha Ikiye alingile chize mangana kulukwisa vathu. Kahajino omwo vakiko vapwilenga kuze, Ikiye ngwenyi, “Kuvangila enu na mufwelela Yami Vene, nge chiku enu namukanonga mushili jenu.”

²⁹ Jino, kuka cha Ukalunga yinapu kati yayinene yakukoka, yakulingisa vathu kutala kuli Mwata Yesu. Kaha Ndotolo F. F. Bosworth, yenu vavavulu muli muno, apwile sepa, kaha atachikijile ikiye, kaha mulimo wenyi wapwile wakungukafwa chikuma kuli yami nge mukakuzata muliuka wamukweze. Ngwaputukile kwingila mukuliwana chami, kaha Ngwalahile na kwingila muli Ndumbu walunga Bosworth. Ikiye apwilenga nakuhanjika ngwenyi, “kuka cha Ukalunga,” echi chinapu chakukenyuka jino, ikiye ambile ngwenyi, “Kuka cha ukalunga yapwa ndulo kuulovo.” Ambile ngwenyi, “Ove kaweshi kumulwekesa ishi ulovo. Ove ulwekese ndulo, kaha jino ikiye mwakavangiza ndulo kaha himwakwachiwa kuulovo.” Shikaho omu mukiko etu tweji kwesekanga kulinga. Echi chikiko chetu. . . etu. . . Kujina chetu kutwala vathu kuli Mwata Yesu Kulishitu. Kaha Ikiye apwa youmwe zau, lelo, na hayamyaka. Shikaho kachi Ikiye apwile Mukakuka mumakumbi anahichi, Ikiye napu Mukakuka lelo.

³⁰ Kupwa kaha na unjiho uwahakapanji shimbu kanda ngulombelele vakakuviza vali nakulifuchi lya chisaji. Chapwile makumbi amandende kunyima okwo, Ngwatwamine mujipili kuze kwapwile chuma chachinene chasolokele shimbu kanda fifiteni mokomoko vandumbwami twende kuze, kuze kuli Kangelo ka Mwata ejile kuze, kaha Kumunyika chachinene kutuka nge kuhanjika, kufunda kuhita mujipili, kaha malolwa kutuka pamo handulendi fiti, mokomoko kuhambakana, kuhambakana kuze, kuvatula helu lya mitondo. Kaha Ngwapwile ngunemana mwishi ya Echi. Kaha kuvalweka mutukweji vavandende shimbu kanda echi chisoloke, Nachiya nakupwa kuze kaha nachikasoloka ngachilihi; hatoma, vachambulwile ngwavo likumbi shimbu kanda. Kaha malunga vosena kulaha kupwa mwishi yajimotoka, kweseka kuchina. Vakiko kavatachikijileko chuma muka chasolokele. Kaha Ikiye ahanjikile kaha ngwenyi chuma muka nachiya nakusoloka hazevene hanyima ya nge chileya.

³¹ Kutwama hali eli lilolwa limwe kuze, kuze vene Ikiye chasolokele, Ngwapwile na—na sepa uze apwile nayetu, nge ejile nakushikumuka ku Minnesota. Vathu jenyi vali muno kaha Kangweshi wakukunyuka chumamuka ikiye ali hano hamavu amweko. Apwile Donavon Weerts, kaha mukweze wamwaza, ka Luteleni uze ahanyine chiyoyelo chenyi kuli Kulishitu kaha

napunga wakuzala na Shipilitu. Wakulikehesa vene kanyike walunga ka German, pamo myaka seti yakusemuka, chisaka, vana vavali mokomoko vatatu. Ikiye atambukile nakwingila mu Tucson hakupwa wakulihata nenyi, kuze kuli seli mokomoko fwo handulendi vapwile nakwiza nakupwa mwalihata nenyi. Shikaho ikiye. . .

³² Kaha Ngunawahilila hakupwa wakulihata nenyi nge ngachize. Vakiko veji kungukavangiza yami mujila josena kufuma ku South Africa, na kwosena okwo, kupwa kaha hakamwihi na kumona. . . na yami, kaha kupwa na yami na kuwahilila cha Mwata.

Mukweze kana wakulikehesa, Kanda lyehi ngumumone kanawa.

³³ Mwomwo, vathu vaze Ngwatachikiza kaha vali kaha nge ndumbwami walunga, ndumbu wapwevo. Ngwatalile hali vakiko, kaha kuvatala veyi, kachi Ngwashinganyeka vakiko nge vali nakufuma mumukana, kaha nakuvambata kusali yimwe na kuhanjika navakiko, mwomwo Ngwavazanga. Etu twatondo kuyoya mu Upahu hamwe. Kaha lwola lumwe pamo, mukuliwana, ove mushinganyeka nge Ngweji kuhanjikanga nangolo hali ove. Echi kacheshi nakufuma. . . echi kacheshi mwomwo Kangwazanga enuko, oloze cheji kufuma mumuchima wami, mwomwo Ngwa—Ngwa. . . Echi chatela kupwa mujila imwe. Kuli kaha jila yimwe yakuya kuzachila Kalunga, kaha mukiko. . . Kaha etu twatela kutwama mujila Yeniyi, chipwethuhu vishinganyeka vyetu vika. Mujila Yeniyi!

³⁴ Kaha Ngwamwene Donavon, kulitwitwi lyachilyo kusongo, kwajimbile pamo kapapa katatu, nakusoloka kupwa lichila. Chamwaza, jino kushinganyeka pamo chize, muze mupambo mwomwo makumbi amandende, kuze etu twapwile, nge pamo ikiye apwile na ufwa kulitwitwi. Oloze, hakukwata halivoko lyenyi, Ngwawanyine nge unapu kansa. Shikaho Ngwahanjikile kuli “Donavon, Ngwambile ngwami, Donavon, namikwate. . . Omu chashimbula ngachilihi echi chili kulitwitwi?” Kupwa kaha nakumumbila, nge Ngwahonene kutachikiza. Ngwambile ngwami, “Chashimbula ngachilihi echi Donavan?”

Ikiye ngwenyi, “Ndumbu walunga Branham, pamo tukweji sikisi,” ikiye ngwenyi.

Ngwambile ngwami, “Mwomwoika unahonenanga kngulwekanga yami?”

³⁵ Ikiye ambile ngwenyi, “Mamalelo, kumona ove wapwa wakukashiwa,” ambile ngwenyi, “Kangwatondele ku—kulinga echi.” Ngwenyi, “Ngwashinganyekele pamo lwola lumwe Mwata nahase kukulweka ove.”

Shikaho Ngwambile ngwami, “Ove unatachikiza omwo chili?”

Ikiye ngwenyi, “Nguli na chishinganyeka chamwaza.”

Ngwambile ngwami, “Echi chakwoloka.”

³⁶ Kaha chimene chamuchivali, kuhambakana chize, kukwata uze kanyike walunga kulivoko, chimene cha muchivali, kuze kakwapwile numba chiveza halitwitwi eyi. Chapwile chosena chinayi.

³⁷ Shikaho lwola lwaluvulu etu tweji kushindakanya, kaha kweseka kumbata *echi, chize*. Mokokoko... Talenu, echi chili, “Evi vinjikizo navikakavangiza vakakufwelela.” Echi kahanjikile “kachi vakiko navakaya nakulombela mukakuviza.” “Kachi vakiko navakahaka mavoko hali vakakuviza, vakiko navakaya nakuyoya!” Etu twatela kupwa na lufwelelo, etu vavene, mu chuma etu tuli nakulinga. Chosena chakwoloka.

³⁸ Shikaho jino Donavon atela kupwa hali hano. Enu namuya nakuliwana naikiye. Ikiye mwaya nakupwa hano, kachi ikiye keshi hano chimene chinoko, kutupete tweka. Ove muya nakuliwana na ikiye, kaha ikiye mwaya nakutachikiza unjiho.

³⁹ Kaha nanguya nakuhanjika Ikiye? Ngwafwelela Luka, mokokoko Yowano, umwe, ambile ngwenyi aka kaye kakeshi kuhasa-... kungukwata, kupwa nge mukanda uze unahase kupwa wakusoneka chuma Ikiye ali nakulinga mukachi kavathu mumakumbi akumakumishilo; omu vakakuviza vanahinduka, vakawala kusokoka, masauzande, kala miyachi ya misongo na luyanjisa.

⁴⁰ Jino, enu okwo muli mulifuchi muli chizaji, nge omu chili hano, Nguli nakukwachilila hano jino livoko lyakuzala nakutondeka cha vathu vase vaneza hajifwonyi chimene chino, kutwalilaho kutuma kufuma hano. Kaha shikaho etu... Wani handulendi na nayite sikisi kutonda kwiza muli chino chimene, ha shinga, kufuma haze etu tunapunga kuno. Shikaho echa tulinunge mukulomba jino nge umwe wosena... Kwosena okwo muli, okwo mulifuchi, haka mavoko enu hali umwe namukwavo, kachi ove wapwa mukakufwelela. Kachi nduma, haka livoko lyove ha Mbimbiliya mokokoko chumachimwe kuze, shimbu etu natulomba hano kaha kuze.

⁴¹ Ove Tata wa Mwilu, ou unjiho waundende wa Donavon Weerts, kupwa kaha na masauzande, Mwata, nge Ove uli na likoji lya mwaza... Ngwalombo ngana Ove uyenga nakutala mukachi kamichima ya vathu vosena hano na mulifuchi muli chizaji. Kaha echa vakiko, vosena, vapwenga vakuhinduka. Echa umwe wamupi avaseze vakiko, kaha echa vakiko vapwenga vakusokoka kufuma kuluyanjisa chavo chosena. Tuhanecho echi, Tata. Mu Lijina lya Yesu Kulishitu, Mwanove Lyavene, etu twalombo echi. Amena.

Ngwasakwilila Ove, Mwata... [Ha tepu hapimbi—Muka.]

[Ndumbu walunga Branham kukumisa chihanda chamuchivali chahachisaji—Muka.]



⁴² Chamwaza, echi chinapu kapapa katatu hano chimene chino. Yami! Kaha, munatachikiza, vachilwekele nge etu twatela kunoka muzuvo ya twolufu, minyutu fwoteni, mokomoko chumachimwe. Kaha uze lunga awumbile ngwenyi, hiya ali hamavu, kaha vakiko kaveshi kuhasa kuzachila kala unga ko. Kulya chetu chasuwile. Etu tukwechi vyavivulu vyakulinga, munatachikiza. Shikaho etu tunapu, vakuwahilila nge etu tuli vyavinene vya mushipilitu, kusokoka cha ukalu wamujimbo, nge omu Ngunahashila kuchivuluka, chimene chino hano na lizavu lya malunga vamwaza.

⁴³ Ngunatondo ku—ku kuvuluka nge etu tuli na...kutanga cheka, hamene namusana, kuze ku Embassy. Jino, etu natuya nakulombelela vakakuviza kuze, na kuvandamina Kalunga kuliwana nayetu. Kaha Nguneza nakwingila chihanda chami, mumulimo wami, kwingila (vyosena etu tunahase) echi kuliwana mangana kufukila. Keshi kufukila mwomwo chinapu kuliwana chetu, oloze kufukila mwomwo vathu vanawane Yesu Kulishitu. Chize chikiko kufukila. Kala kuliwana, chipwe chipwenga ngachilihi etu kumwalisa Kalunga, vyavinene vingahi etu twamono Ikiye kulinga, kapapa kangahi Ikiye mwahanjika kuli etu mu Shipilitu, na vyangocho; kuvangila kuze kulichumachimwe chakuhasa, myono yimwe yakuneha mu Wangana!

⁴⁴ Kaha Ndumbu walunga Shakarian alingishile—kupwa nakuhanjika kaha jino ha chuma ikiye ashinganyekele hali awa makumbi awa etu tuli—etu tuli nakuyoyelamo. Ngwafwelela mwamuchano na muchima wami wosena, nge etu tuli nakuyoyela ha lwola lwa kusoka, kupwa kaha na—kupwa kaha na muvwimbimbi wa chingoloshi. Musana nawa unatoho. Kaha omwo etu natumona vyuma kana kusoloka mujila vakiko vali lelo, mwomwoika, echi chili chachikalulu kulweka chisemunuino chikwavo nachiya nakuneha. Makumbi amandende kunyima okwo...

⁴⁵ Echa ngumihane enu chindende mukachi chumachimwe. Vakiko vapwile kukekesa chambwende kuhita mu Arizona yosena, kuze Ngwatwama, mashikola osena. Vakiko vahanyine vana, mukuhina kutachikiza, cheseko cha kuwongo. Kaha shinganyeka chumamuka? Kuhakilako namashikola amanene na—mashikola akuhanjika kanwa, kuze kwapwile eyite peseti ya vana kuyanda na ukalu wakuwongo. Sevete peseti yavakiko vapwile vakakutala hachisaji cha muvwimbimbi. Talenu, kupihya kana, vakiko valivembele muli etu kaha etu katweshi...Ove mulikomokela mwomwo ika chejile. Enu

munahase kwivwa eli Lizu lya Kalunga kutambakana hali echi, kaha ohonyi hano etu—etu tunawane etu vavene etu twalemo.

⁴⁶ Echa ngumihane chumachimwe chakumikomwesa. Talenu, “Keshi vosena navahanjika kuli Yami, ‘Mwata, Mwata,’ navakengila muze; oloze umwe uze eji kulinganga mwaya muchima wa Tata Yami.” Punga yenyi yinapu Lizu Lyenyi. Etu tunahase kupwa vakakulifukula chikuma, tukwechi lwola lwalunene, kutumbuka, mu kuliwana chetu, echi etu tuli. . . Kangwatondele—Kangwatondele kupwa wakujiminyina chikumako. Oloze Nguli na—na mulimo wakulinga kuli Kalunga, kaha ou mulimo watela kupwa wakushishika na kuhanjika ika Ikiye natondo yami kuhanjika. Kaha Nguli—Nguli vene wakusakwilila hali kapetulu California uze ali na yami mu—mu kukunyuka chami. Kachi Kangweshi nakuhanjika kuli wakukunyuka, Yami ngu mukakulyonga kaha keshi ngochoko, Kangweshi wakushishika na enuko. Kaha kachi Kangweshi kuhasa kupwa wakushishika na enuko, kaha Nangupwa wakushishika na Kalunga? mwomwo Ngunakumono ove na kuhanjika nayove. Mwomwo, etu twejikulinganga, kuli Kalunga, nawa, oloze etu twatela kupwa wakushishika na kupwa umwe namukwavo. Etu tunapu vene mu—mu ukalu, chisemunuino chachikalu. Kaha kutala ove wemananho. . .

⁴⁷ Echa ngumihane enu chindende. “Keshi vosena vase navamba kuli Yami ko, ‘Mwata, Mwata,’ navakengila muze mu; oloze umwe uze eji kulinganga mwaya muchima wa Tata Yami.” Yesu ambile ngwenyi, hano hamavu, “Muthu keshi kayoyela ha mbolo kahako, oloze ha Lizu lyosena.” Kala Lizu! Keshi jino kaha jino, eli Lizu, oloze ha Lizu lyosena.

⁴⁸ Lyapwile Lizu limwe kuhona kulifwelela, ha jishimbi ja Kalunga. . . jize jishimbi ja Kalunga, chize chanehele kufwa, ushona, na kala kuviza na mitwe, kuhona kujimbalisa Lizu lya Kalunga, Lizu limwe! Kachi ikiye ambachile muyachi wa vathu muze mukufwa, ha kupulika, kufwelela Lizu limwe, “punduvene,” punduvene. Oloze Ikiye ngwenyi nachikasoloka. Satana ngwenyi, “Punduvene kacheshi kuhasako.” Oloze chazachikile vene.

⁴⁹ Shikaho, etu twatela kulama kala Lizu lya Kalunga. Kaha kachi muthu na kuyanda chosena na vyuma vize vyayile hachisaka cha muthu, hakuhona kulitavila, mokomoko—mokomoko kuhona kufwelela lizu Limwe, omu tuli nakuya nakukinduluka hakujimbalisa Umwe, kachi echi nachikwata ha ndando yosena eyi, nahachiyoyelo cha Mwana Neyi?

. . . Vavavulu vanapu vakusanyika, . . . vavandende vanasakula.

. . . Vavavulu vanapu vakusanyika, . . . vavandende vanasakula.

⁵⁰ Kangweshi kuhasa kumbata mutwe wachihande kufuma muli echi, oloze, mwomwo etu katweshi nalwola, oloze lwakuseza chumachimwe na enu.

⁵¹ Echa kushinganyeka hali...Ngwayile likumbi limwe na Ndumbu walunga Shakarian, kuze vakiko vapwilenga na chisemwa cha ngombe. Kaha Ngwamwene muze—muze... laboratory muze mwapwile Ndumbu walunga Shakarian angutwalilemo. Kaha vakiko vahakile sperm yangombe wachilunga, mukamwe kakandende...nge kachizachiso kakandende, kakandende, kaha kumbata lizavu lya vaze sperm, nakuvahaka hakangilashi nakutohwesa kapapa ka handulendi. Kaha kuze kwapwile vana vavavulu kutumbujoka haze, muli ize sperm. Omu, etu twatachikiza nge sperm yafuma kulilunga, kaha liulu kufuma kuli wapwevo. Kaha Ngwamuhulile muze mwakulanjishila vitumbo, Ngwambile ngwami, “Chumamuka chize chinakuvalingisa kutumbuka ngana?”

Ikiye ngwenyi, “Ize—ize yapwile soso yayindende na kusolola.” Talenu?

Kaha Ngwambile ngwami, “Mukwichile chindende?”

Ikiye ngwenyi, “Yaah.”

⁵² Ngwambile ngwami, “Pamo mukachi ka sperm muli jimiliyoni?”

Ikiye ambile ngwenyi, “Mamalelo, yaah.” Talenu? Jino, tala kanawa.

⁵³ Jino, chize chuma chachinene kuoloka, kuli liulu limwe lili nakuvandamina kambuto kamwe kufuma hali kaze kanunu. Kaha kuze kuli umwe kaha nahase kwambulula nge kambuto muka, mokomoko liulu muka. Kachi enu namutala kusemuka chakumujimba, chinapu chikuma mangana akusweka kuhambakana na—kuhambakana kusemuka chausanda. Mwomwo, muli eyi sperm, muli umwe muze vatongwela kuyoya, kaha vosena vakwavo kufwa. Kaha keshi nge uze watete kuliwana; napu umwe watete kwiza hamwe na liulu. Pamo liulu linahse kukatuka kwiza helu lya sperm, mokomoko hakachi ka kambuto; kaze kavene kulinga mwomumwe, lize liulu. Kaze kambuto kavene kwingila muli lize liulu, kaha mukila kuholoka, kaha hazevene kuyoya hinachiputuka. Kuli kaha umwe halizavu lyavo, hakachi ka kanunu, ikiye mwaya nakuhasa, umwe kaha; kaha chize veji kuchilingisa kupwa chachashi na Ngolo jakuhona kutachikiza, kuli muthu. Oloze ove uli, kala wosena, chochimwe na vaze kambuto vosena vali kaha chochimwe. Chuma chochimwe na mutunyama. Chochimwe na muli muthu. Nachilingisa apwenga chipwe mwaya nakupwa kanyike walunga, kanyike wapwevo, mutwe uchila, mutwe ulava, mokomoko chumamuka. Chize veji kuchitwaminyinanga kuli Kalunga. Vosena kusoloka chochimwe, mukutenga, oloze

kuli umwe mukachi muze napu wakutongwela kukuyoya; umwe mu kanunu, chipwe vosena valinakusoloka chochimwe.

54 Omwo Isalele asele Ejipitu, vapwile kafwe vathu tununu vavali vafumine halwola lumwe. Vosena vevwa lyehi mujimbu wa kapolofweto. Vosena muli vakiko vamwene Panda ya mulangi wa Kakahya. Vosena muli vakiko vavajimikile kuli Mose, mu Kalungalwiji Uchila. Vosena vatambakanyine mu—mu Shipilitu, kwimba tungoma nakulaha nakushikumuka muchana, na Miliyame, omu Mose embile mu Shipilitu. Vakiko, vosena, kunwa kufuma mu Lilolwa lyolimwe. Vakiko, vosena, valile Mana yituta ufuku wosena. Vosena mulivakiko! Oloze muze mwasolokele mafuchi avali, umwe mu kanunu.

55 Cheseko chapwile chika? Vakiko vosena kunwa mu Lilolwa lyolimwe, vakiko valile Mana ya mushipilitu nge omu etu tuli nakulya chimene chino, oloze eli Lizu kweseka kwinjikiza vakiko. Omwo chejile kulwola lwa Kadesh-barnea, omwo vakiko vapatukile kwingila mulifuchi lya lushiko, kaha vakiko kavahashile kuya kuze palanga vakiko vapwilenga na kweseka na Lizu. Kaha vosena vaze—vaze likumi vakindulukile, kaha vahanjikile, “Etu katweshi kuhasa kuchilingako! Vaze vathu vapwa nge. . . .Etu tuli nge vambimba kuli vakiko, jimbongi javo josena jili muvipango. Echi kufumbukila chinapu chachinene.”

56 Oloze Yoshiwa na Kaleve vahizumwishile vathu. Vakiko vambile ngwavo, “Etu tunahambakana kuhasa kulinga chize!” Mwomwoika? Kalunga ambile ngwenyi, shimbu kanda vakiko vayenga, lize lifuchi lya lushiko, “Ngunamihane lyo enu lifuchi. Ngunalihane kuli enu. Chinapu chenu.” Oloze kuli umwe mukachi ka kanunu.

57 Kuli pamo faifi handulendi yakanunu kulivuluka Vakakulishitu muno mukaye lelo, kaha kala likumbi lyeji kukimisa chisemunuino. Kaha jino, kachi ngachilihi nge Kuhukula nachiza lelo kaha vathu faifi handulendi, kukaye kwosena, kuvambata mu Kuhukula? Ove kaweshi kuhasa kutachikiza mokomoko numba kumona mulipapilo, vakiko kuya. Kaha Kwiza cha Mwata chinapu Kwiza chakuswamana. Ikiye mwaya nakwiza na kwiva. Echi nachiya nakupwa cha vavandende, palanga . . .

58 Chochimwe nge muze chapwile mumakumbi omwo tumbaji vamuhulile Yesu, “Mwomwoika Vakakusoneka vamba nge—nge Elija atela kwiza chatete?”

Ikiye ambile ngwenyi, “Ikiye neza lyehi, kaha enu kawatachikijile echiko.”

59 Mwashinganyekaho lyehi chumamuka vathu valingile? Vakiko vailile nakutwalilahi kufwelela nge Mala-. . . nge Mal-. . . Eliya apwile nakwiza. Kaha ikiye apwile wakwoloka mukachi kavo, kaha vakiko kavatachikijileko.

⁶⁰ Shikaho mukiko nachikapwa na kwiza cha Mwana muthu! Vakiko navaya nakulinga na Ikiye chuma chochimwe. Ou Shipilitu ya Kalunga ali hano. Chamwaza, ika etu natuya nakulinga na Echi? Etu tuli nakuya nakulya Mana, na vyangocho, kaha nakuhona kutwalilaho nge omu natukula?

⁶¹ Enu mwamona lyehi mbuto, nge omu Reverend Pitts apwile nakuhanjika haminyutu yayindende kunyima, kaha omu mbuto yeji kwingilanga mumavu? Jimbuto jimwe jili muze mumavu. Omwo Kalunga atambukile ha meya, na Kumunyika, kaha Kumunyika chanehele vya ngocho, chatete Kumeso a Kalunga, ahanjikile Kumunyika chejile ha Lizu lya Kalunga. Kaha Lizu lya Kalunga linapu kaha chuma chochimwe chili nakuneha Kumunyika. Kaha omwo meya akindulukile, mbuto yapwile yakulizanga mumavu, kaha Kumunyika chanehele kaha jimbuto jize jasalile kupwa kaze kamutwe muikiko, na vyangocho. Kalunga kutunga tengoso Yenyi.

⁶² Kaha jino, ha chimene cha Paseka mwapwilenga Kumunyika chavetele hano hamavu, omwo Shipilitu Wajila vamuhanyine. Kaha Echi vachihanyine kuneha Kumunyika kuli ize Jimbuto ja Kalunga, ha kutachikizaho Chenyi, kutachikiza nge nachiya nakupwa hano hamavu. Nge omu Ikiye atachikijile mbuto ya kumujimba watete, Ikiye atachikiza oho Mbuto ya mushipilitu. Mujimba wove kusavala haze jino ha mavu, omwo Kalunga chatete anehele mavu nakuwasolola. Etu twapwa chihanda cha mavu. Etu twapwile twasavala muze. Kaha ha kutongola Chenyi Ikiye atachikijile vene hiya mwaya nakumuzanga Ikiye kaha hiya mwaya nakumuzachila Ikiye, kaha hiya mwahona. Kutongola chenyi kwambulula echi. Kachi kachalingako, kahajino Ikiye keshi Kalunga ko. Ikiye keshi kuhasa kupwa Kalunga chakuzeneka kupwa wakutachikiza lutwe na nyima. Kaha kachi Ikiye apwa wakuzeneka maputukilo, Ikiye atachikiza vyuma vyosena.

⁶³ Shikaho, enu muli nakumona vathu kulinga vyuma vyavo. Vakiko kulimbuka hali echi. Vakiko veji kulaha hali chize, kaha vakiko veji kushinganyekanga *echi* na *chize*, oloze kachazachiwile kanawako, etu twamono echi. Oloze kuli nakuzata hanovene, echi chinapu kuwana kukupuka cha Kalunga na kwimana muli chize, chuma Kalunga akusanyikile ove.

⁶⁴ Nge Ndumbu walunga Jack ahanjikanga jitando jajindende kunyima okwo hano ha—ha Pershing Square, chimbalanganyi chosena. Umwe *eyi* jila, kaha umwe *ize* jila; kaha pamo vakakutanga vya uthu, kaha navyangocho, nge enu mwatondo kutachikiza nge kutanga vyauthu, vyeji kuya nakushikumuka.

⁶⁵ Ngunashinganyeka nge pamo kupwa kaha nge echi chili mu Hyde Park mu London. Ngwapwile muze, muthuwosena apwile

na vishinganyeka vyenyi. Echi chili—echi chili kuzunguma cha likumbi lyakutona mukaye ka Mbaviloni.

66 Oloze enu munatachikiza nge—nge Ndumbu walunga Pitts atwalileho namujimbu wenyi wamwaza chimene chino kuli etu? Nge omu aputukanga kutambuka nakulovoka mu park, muze ikiye awanyine wamundende Easter lily. “Mukachi ka chipalanganyi chosena,” shimbu ikiye amunehele kuli etu, “kakapwile najila yakuhanjikako ‘eyo’ mokomoko ‘nduma.’ Echi chapwile chiyoyelo cha Kalunga kumunyika muchikiko, mukachi kachimbalanganyi.” Kapwile muze mukuwaha chayo, mwomwo Kalunga akatongwele kupwa muze. Mukachi ka chimbalangani, naumwile pimbi apwile nakumona echi. Vakiko kavahashile kumna kuhaka cha mushipilituko.

67 Kaha shikaho mukiko chili na lelo kuhichila mukukunguluka chosena na mazavu, na mauka na vikungulwilo, na vyangocho. Umwe ali nakufuma mujila *kana* eyi, “Etu twatela kupwa va Mbaputishiti, mokomoko kupwa ka Pulishiteliyani, chatela kupwa *echi*, *chize*, mokomoko *chikwavo*.” Mukachi ka vyosena, muli temo yakukula. Kuli ngolo ja Kalunga mukachi ketu, kupwa wakukulisa mukachi ketu vosena. Echa twimane kaha tala, minyutu yayindende, kaha tala muli uno mulungu, kaha talenu kulivungulula kumeso etu. Etu twafwelela Kalunga mwaya nakuchilinga. Keshi ngochoko? [Chikungulwilo ngwacho, “Amena.”—Muka.]

68 Ngwamono nge etu twatela kushikumuka jino. Shikaho echa tulombe, etu vosena.

69 Ove Kalunga, omu etu tunanongama mitwe yetu Kumeso Ove, etu tuli nakwivwa nge etu tuli vakuhona kutela kukulomba. Oloze Ove washikile echi, kachi etu natuya nakwiza, Ove kaweshi kuhasa kutukanako. Kaha eji jihanjikiso jamanya eji tunahajika, keshi jekakako shina kunangula, “umwe kufuma mu kanunu,” oloze oloze kupwa nge kwanuka. Mwomwo Ove wahanjikile:

*...chikolo chachindende, kaha jila yakupalakanya,
ize ili na kutwaminyina kukuyoya, kaha vavandende
navakaya vaze navakaya nakuyiwana.*

*Mwomwo vavavulu vanavasanyika, oloze vavandende
vana vasakula.*

70 Ove Tata wa Hayamyaka, tuma Mujimbu wamwaza wa Kumunyika kuhita muli ino mbongi, kuhichila mumulungu wa kuliwana. Kaha kuli kala Mbuto, kumwe ha kutuhwa Chove ove Lyavene, mukamangana, nge kweseka kusolola echi mu sperm ya lunga na pwevo, pamo vakiko kuvunguluka mukuliwana. Echa Shipilitu Wajila avahane vakiko Kumunyika. Etu tunatachikiza nge lwola luli hakamwihi kuhambakana etu kushinganyeka echi. Etu twalombo, Kalunga, nge etu kwiza hano, kufwelela nge pamo kuli chumachimwe hano nge vanahase kulinga echi

nachiya nakukafwa vathu, mokomoko—mokomoko kukwata uze mukoko chamakumishilo. Etu tunatachikiza, omwo uze mukoko ali wakuzala, kahajino uze Kafunga mwaya nakupanga chikolo.

⁷¹ Nge muze chapwile mumakumbi a Nowa, omwo membala wa vatanganyika vahete lyehi, Kalunga asokele chikolo. Kaha vakiko venyekele na thwamina, oloze vachikotokela chikuma. Kalunga Wamwaza, vakiko vapwile na lisesa.

Ove ngwove, “Yami Chikolo cha mikoko.”

⁷² Kaha omu kuhanjika mwaso kufuma kuli mukakusoneka, “Kumana nayite nayini yakutamo kuli Ove? Oloze, nduma, kwapwile umwe cheka.” Ikiye nahase kupwa mukoko wamundende ulava, mokomoko ikiye nahase kupwa wamundende wakuhona kwijiva kuli kalamuthu, nahase kupwa wamundende wapwevo mokomoko walunga. Etu tunahono kutachikiza okwo vali, oloze uze umwe makumishilo atela kwiza nakwingila kaha jino chikolo navaya nakuchisoka. Ove Kalunga, Ove wejiva vyuma vyosena, tala muviyoyelo vyetu chimene chino. Kaha tutumine hosena haze etu natuhasa kuya, nge etu tunahase kuwana umwe wamakumishilo, chize chikolo nachiya nakusoka kaha Kafunga mukachi ka mikoko. Tuhanecho echi, Mwata. Kachi kuli umwe hano lelo, kachi uze umwe atela kwiza nakwingila . . .

⁷³ “Vosena Tata nanguhane Yami navaya nakwiza kuli Yami. Kaha naumwe muthu pimbi mweza, kuvangila Tata Yami namukoko ikiye.”

⁷⁴ Kaha kachi kuli lihunda, mokomoko kwivwa chachindende, nge echi chinahase kupwa ola kuli muthu umwe hano muli lino likungumbuwa, hano mokomoko kushikumuka mwishi omwo, mokomoko kalakwosena vakiko pamo, echa vakiko vakumbulule, “Yes, Mwata, Ngunapu umwe wamundende hali vaze vali vali nakukimbojoka; kaha vaze vanazungila Echi nakuya, chiyoyelo chami chosena. Ngwa—Ngwa—Ngwevwile nge Ngwatela kwiza, oloze lelo Nguli nakunyengela kusali ya kuhasa. Kangweshi kuhasa kuya na mokomoko kushikumukako. Kangweshi kuhasa kuya jila yimweko.” Mamalelo, echa Kafunga wamunene zenga, vamutambule namavoko avali kumuneha wakukingiwa, kumuhaka havifwiji Vyenyi nakumuneha wakukingiwa.

⁷⁵ Pamo kuli umwe hano, Mwata, uze ali nakuviza, muli chifwanyisa chakulifwana, nge ndotolo ngwenyi, “Kakweshi chuma chinahashiwa kulingika.” Ikiye esekele chikuma nakumupulula, oloze kahashile kumupuluko. Chapwile chakuhambakana ngolo jenyi. Kuli—kakweshi chuma chimwe ikiye nahase kulinga. Vitumbo mokomoko poko yenyi kayeshi kuhasa kuyifumisako. Oloze, Ove Mwata, kakweshi chuma chachikalu kuli livoko Lyove lyalinene, kaha Lizu Lyove linapu livoko Lyove. Shikaho etu twalombo, Kalunga Wamwaza, nge,

chimene chino, shimbu etu tuli nakuhanjika kuli Ove, nge Ove muya nakushikumuka nakumumbata uze umwe uze ali nakuviza uze nahono mwakulikafwila lyavene, kulovoka muze mwakuheta na sayasi ya sayasi, kufuma kuli ndotolo, echa vakiko vapwenga vakuhinduka. Tuhanecho echi, Mwata.

⁷⁶ Nge omu tuli nakushinganyeka hali Ndavichi, omu vamuhanyine kupwa fumbelo ha mikoko vavandende, vavandende kaha. Oloze likumbi limwe mulusu ejile kaha nakumbata umwe mukoko wamundende nakumuchinyisa, kaha kachi amulile (nge kansa kulya mujimba), mokomoko ndumba wamunene. Oloze Ndavichi, kapwile wakulizanga chikumako na—na uta, mokomoko, keshi na poko yamukwale, oloze na malekenyi, ikiye ayile nakutambula mukoko. Kaha omwo ikiye awanyine uze—uze kanyama uze atelele kujiha mukoko, ikiye amujihile na malekenyi. Kupwa wakulikehesa na chitwa na chihanda cha chilambu na malekenyi, kaha, oloze apwile nalufwelelo.

⁷⁷ Etu katweshi na umwe wamangana chikuma mukachi ketuko, Mwata. Etu tuvathu vakukehelamo na kulomba chakukehelamo, oloze etu tuli nakwiza chimene chino hanyima ya mikoko ja Tata. Uze pwevo atambukile mujijila, kunwa makanya, wakusuvata, kunwa makanya, kweseka kuwana kuunda kuhichila mumakanya; nge muthu nahase kunuka lupasa na kutwama, oloze mukakole namukwate nakumukasa chikuma; uze kanyike walunga mokomoko kanyike wapwevo uze esekele kulinga mwakwoloka, chize kacheshi kuwana ngolo jakufuma kuli chuma chakuhenga; etu tuneza mu Lijina lya Mwata Yesu, kuvuluka nge mukoko chimene chino. Etu tunajilula mukakole, mwomwo chinapu chuma chachashi, malekenyi akulomba, oloze etu tuli nakwiza nakuneha uze umwe kukindulwisa kulimba lya Tata, nge etu pamo tukahase kwambulula vyuma vize vanakujika kumavoko etu. Pamo ngolo ja Kalunga jino kuveta halufwelelo, kushikumuka mumichima ya vathu, kaha echa mwono wakujimbala kukinduluka chimene chino. Echa vyeseko vya echi chiyoyelo vimukindulwise, echa ikiye eyenga. Kaha echa ikiye aliwane wakukingiwa ha vifwiji vya Mwata, omu vanambumbate nakumukindulwisa cheka mukukingiwa. Etu twalombo echi mu Lijina lya Yesu. Amena.

⁷⁸ Kalunga amikisule enu vosena. Palanga Nangukamimona hamene, Nanguya nakuhana kutanga cha Ndumbu walunga Shakarian. [Hatepu hapimbi—Muka.]

[Ndumbu walunga Branham mwakumisa chihanda chamuchitatu—Muka.]



⁷⁹ Echi, Ngunu—Ngunafwelela nge namuya . . . nge Ngunawane likoji kumeso a Kalunga na kumeso enu, kufwelela nge Nangwimana hano kukulweka chuma chimwe chinahenge.

Ngunahamabakana lyehi likumbi lyakusemuka lya myaka fifite sikisi likumbi likwavo. Ou kaweshi kaha Mujimbu wa lunga wamwaka. Ngwafwelela echi kufuma haze Ngwapwile kanyike walunga wamundende. Kaha kachi echi kacheshi muchano ko, Ngunapunga muthu wachileya Kalunga apwile hamavu. Ngunahane chiyoyelo chami chosena hali echi Mwomwo. Kaha echa Nguhanjike echi na kushishika: kachi Ngwapwanga na teni sauzande ya kuyoya, Kangweshi kuhasa kwalumuna kujina chamiko.

⁸⁰ Jino, kuka nachipwa cha muthu wosena. Anukenu, kuka chili muli enu. Kalunga ahakile mumutondo wa peach kala mutondo uze peach watela kala wosena wapwile nakupwa, omwo Ikiye autumbile muze Mumilemba. Talenu, enu kupwa . . . uze mutondo wa peach mokomoko mutondo wa mu apo, mokomoko mutondo wamuhako, kukula kaha, kufuma mukunwa meya amumavu. Jino umwe muli enu akwechi ngolo muli ikiye, jakusokola, mwomwo ali Kalunga, kufuma haze ove vanakutumbu muli Kulishitu ha kujimika (keshi kujimika), lujimiko lwa mushipilitu. Enu kamwatela kwiza muli Kulishitu ha lujimiko lwa meya. Ha lujimiko lwa mushipilitu!

⁸¹ Hamene na musana, nge Mwata netava, Ngulinakuhanjika hali chize, *omu* kaha chuma *muka* chakumbila chivene hali Echi. Etu kupwa nacho na musana shikaho kaweshi kutangika na kala kutangisa chenuko.

⁸² Jino tala, enu vosena hano kwimana nge vakakufwelela, talenu, kahajino Kuyoya chize chapwilenga muli Kulishitu chili muli enu. Echi chinahase, kachi enu munahase kuchimona echi!

⁸³ Ou unapu mulimo wa liyavolo kukuhonesa kukukoka nakukufumisa kuli Chize, kukulama ove kukufwika. Ikiye nahase kwecha ove kupwa wakufwika, echi chili, talenu, enu munahono kutachikiza okwo muli nakuya. Muthu uze ali kapuputa keshi kuhasa kumulweka okwo ali nakuya, ikiye atela kutonda kwivwushisa kufuma kuli muthuumwe uze nahase kumona. Palanga etu tunahase kwivwushisa, muthuumwe atela kutulweka Muchano.

⁸⁴ Kaha Kulishitu amifwilile, kaha enu vanamitumbulula kufuma mukaye nakwingila muli Kulishitu. Kaha vyuma vyosena enu mukwechi lisesa muli enu, ha lujimiko lwa Shipilitu Wajila. Echi kacheshi chakwolokako? Jino chuma chimwe ove watela kulinga shina kuputuka kunwa muli Chize.

⁸⁵ Kaha nge omu mutondo weji kunwanga, weji kuputuka kushika mafwa, kaha kamutwe, kushika muhako hamwaka hamwaka. Ou muhako kaweshi mumavuko; muhako watwama mumutondo. Vangahi vevwushisa echi, ngwavo “amena.” [Chikungulwilo ngwacho, “Amena.”—Muka.] Shikaho, talenu, muhako uli mumutondo, kaha kala mutondo watela kunwa kufuma mukaselwoke. Nge vula nayiza kauholoka, nauhana

uze mutondo, kuoya, kunwa kufuma muze. Kaha, nge naumwa, nakukula.

⁸⁶ Kaha uli nakukula palanga nomu nauheta mukukula, kupwa kaha nge Liuka lili, kulovoka mu chisemunuino.

⁸⁷ Kaha, shimbu etu kunwa, etu tweji kukula. Oloze kachi uze mutondo mwakana kunwa, kahajino uze mutondo kaweshi kuhasa kukulako. Kaha kachi enu namuya kaha nakufwelela jino, hakapaji!

⁸⁸ Mwomwo, munatachikiza omwo Mwata eji kulinganga, kusolola vyuma vyakuhandunuka, kuli ovyo uli nakulinga kaha nachumamuka ove kawatela kulingakako, kaha navyangocho, mukuliwana. Etu twapwile nakutalilila chize nge Shipilitu Wajila mwaya nakuholoka hali etu chimene chino na kulinga chuma kana, nge omu twemanyine. Oloze Ngwatwalileho kuvandamina.

⁸⁹ Ngwashinganyeka echi chinapu chakulizakamina, kushinganyeka mwishi ya ndalo vakiko vanatutondo etu kupwa kuze, talenu. Oloze vakiko vali nakutonda etu; etu tuli vakukotokela jino.

⁹⁰ Oloze kufwelela echi, na muchima wove wosena. Ngwalembe linga. Kachi Nangu—kachi Ngunawane likoji kumeso ove, kupwa muthu wamuchano, kufwelela echi. Jino haka mavoko enu hali—hali umwe namukwavo.

⁹¹ Jino tala, jino, eyi Mbimbiliya kayahanjikile ngochoko, “Evi vinjikizo navikakavangiza William Branham.” Kahanjikile ngwenyi, “Echi nachiya nakukavangiza va Oral Roberts kaha.” Kahanjikile ngochoko nachiya nakukavangiza “Ndumbu walunga Kopp” mokomoko “muthuumwe.”

⁹² “Evi vinjikizo navikavakavangiza vakiko,” vavavulu, “vaze vafwelela. Kachi nge navakanangika mavoko avo hali vakakuviza, navakayoya.” Echi chinapu ngolo ja Kalunga muli enu, echi nachineha Kuyoya kuli muthu enu mukwechi livoko lyove, echi chuma chakuhana Kuyoya sulo ya Shipilitu Wajila.

⁹³ Kalunga Wamwaza, mu Lijina Iya Yesu Kulishitu, muli elu lwola lwalukalu shimbu eli liuka... echa vakiko vanemana ha muchivali, chakuzeneka kulizakamina, kaha echa Ngolo jize jamusangwile Kulishitu kufuma muchimbumbembe, yoyesa vakiko jino Muchano wa Mujimbu wamwaza, uze Yesu vamutumine, kachi vakiko “navakahaka mavoko hali vakakuviza, navakayoya.” Echa kala ngolo ja demos, misongo yosena, musongo wosena, kala kuya kulutwe, kala kuyanajisa chize chasolokele kuli vathu, echa ayenga jino ha lufwelelo. Nge vathu va kufwelela, etu twalombo echi mu Lijina Iya Yesu Kulishitu. Amena.

⁹⁴ Jino katulenu mavoko enu na kumuhana Ikiye kwalisa, kachi enu mwafwelela echi Ikiye eji kuchilinga.

⁹⁵ Kalunga Wamwaza, ou kema mwaza nakufwa, Mwata, kuvangila echi chinalingika. Ngunapaisa eli lihunda, mu Lijina Iya Yesu Kulishitu. Echa amuseze mwana wakuzeneka mulonga. Amena.

Jino, va ndotolo vesekele, kaha vakiko vahonene. Fwelela kaha.



UMWE MUKA KANUNU LVE65-0424
(One In A Million)

Ou Mujimbu kufuma kuli Ndumbu wa lunga William Marrion Branham, vawambulwile hakuputuka mu Ingilishi ha Sateli na chimene, Kambambanalisa 24, 1965, kukulya cha Full Gospel Business Men's Fellowship International ku Clifton's Cafeteria mu Los Angeles, California, U.S.A., vanaufumisa mu muzu vakopele ha tepu na kuusoneka mu Ingilishi chakuzeneka kuwalumuna. Echi kwalumuna Lilimi vachinungulwile vausonekele na kuupangila kuli vaka Kukopa cha Lizu Lya Kalunga.

LUVALE

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenya mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org